

Ertzeko bizitzen auto-eraketa sareak eta KoopFabrika



BEÑAT IRASUEGI IBARRA
KOOPERATIBISTA

Niretzat Talaios kooperatibaren eta Olatukoopen bitartez kooperatibismoan eta ekonomia eraldatzailean jardutea zer den galdetzen didatenean, erantzuten dut izan dela lanaren eta kolektiboaren bitartez emantzipazio bideari ekiteko aukera. Eta bide horretan, oso garrantzitsua izan da KoopFabrika eraikitzen jardun izana lankide eta kooperatiba askorekin, baina baita unibertsitateetako GEZKI eta LAN-KI ikertegiekin ere. Guk sorreran izan ez genituen formazioa, bide-laguntza eta saretzea, besteentzat sortzeko aukera eman digun interkooperazio tresna baita. Praktikarekin eta ikerketarekin zortzi urtez eraikitzen eta hobetzen joan garena, denontzat eskuragarri dauden tresna, ezagutza eta metodologiekin. Baina denontzat den bidea da benetan?

Identifikatu dugun erronkarik handiena da abiatutako bidea denontzat izatea, eta bereziki, gure jendartean egoera prekarizatuena dauden pertsona eta kolektiboentzat. Baina nola eraiki proiektu auto-eratuak, jendartean ikusezin bihurtu ditugun pertsonen bizitza

Ikasi dugu kooperatibismoak eraldatzaile izateko antiarrazista eta dekoloniala izan behar duela

proiektuak sortzeko baldintzarik ez badago, eta auto-eraketarako beharrezkoak diren subjektu saretuekin harremanik ez badugu? Epe luzeko prozesuak garatzea ezinbestekoa da.

Enarak kooperatibaren sorrera bide-laguntzeko aukera izan genuen KoopFabrikan, Gasteiztik Euskal Herri osora emakume migratuei ahalduentzeko formazioa eta aholkularitza ematen dizkiena. Tania eta Katherinek gidatuta erronka kolektiboari eutsi eta epe luzeko KoopFabrika Hegoaldetik proiektua

[koopfabrika.eus/hegoaldetik] martxan jarri dugu, bermatu nahi duena ekonomia sozial eraldatzailea eta kooperatibismoan murgiltzea denontzat irigarria izatea, formazioa, bide-laguntza eta saretzea eskainita.

Urte bizia izan da, Andaluzia, Madril eta Kataluniara eraman gaituena pertsona migratuek sortutako proiektuak ezagutzera, beharrak, zailtasunak eta egiteko moduak ezagutu eta sarea egiteko baliatu duguna, urriaren 6 eta 7an Hernanin *Ertzeko bizitzak eraldatzeko ekintza kooperatiboa* jardunaldiak antolatzeraino.

Ikasi dugu kooperatibismoak eraldatzaile izateko antiarrazista eta dekoloniala izan behar duela, zapaltzen gaituzten ardatzetatik eta ditugun pribilegioetatik abiatuz proiektu eta sare sendoak sortu ditzakegula, ertzeko bizitzak eraldatzean denon bizitzak eraldatzen eta hobetzen ditugulako. Sortzen ari den sarean bidelagun izaten jarraituko dugu.

Bide on, KoopFabrika Hegoaldetik, eta atzeritartasun legeak indargabetu ditzatela orain! ●

www.bertsozale.eus
www.bertsosarrerak.eus

MUNGIA

Urriaren 1ean, domeka,
17:00etan, Olalde Aretoan

Araitz Katarain Mugarra, Izaro Bilbao Arostegi, Koldo Muñiz Aldamizetxebarria, Mikel Goiriena Larrazabal, Peru Vidal Gurrutxaga eta Txaber Altube Sarrionandia. Gai-jartzailea: Zihara Enbeita Gardoki.

ERANDIO

Urriaren 22an, domeka,
17:00etan, Merkatu Zaharrean

Ander Sarriugarte Garcia, Garazi Navarro Ugarteburu, Igor Galarza Intxausti, Imanol Uribe Albizuri, Paule Ixiar Loizaga Legarra eta Unai Mendiburu Valor. Gai-jartzailea: Idola Anzorandia Kareaga.

KANPORAKETAK

GERNIKA-LUMO

Urriaren 8an, domeka,
17:00etan, Lizeo Antzokian

Arkaitz Zipitria Mendizabal, Bittor Altube Sarrionandia, Ibai Amillategi Omaetxebarria, Iker Garitagoitia Astigarraga, Julen Ibaranguoitia Ordorika eta Mikel Retolaza Etxebarria. Gai-jartzailea: Itxaro Juaristi Olaetxea.

IGORRE

Urriaren 29an, domeka,
17:00etan, Lasarte Aretoan

Aissa Intxausti Aburruza, Asier Galarza Garai, Eneko Aldana Carrasco, Janire Arizabalaga Munduate, Jone Larinaga Dañobeitia eta Oihana Bartra Arenas. Gai-jartzailea: Amaia Ugalde Begoña.

ARRIGORRIAGA

Urriaren 15ean, domeka,
17:00etan, Lonbo Aretoan

Garikoitz Sarriugarte Onaindia, Iker Uriarte Urrutia, Inazio Vidal Gurrutxaga, Iruri Altzerreka Martinez, Josune Aramendi Perez eta Lurdes Ondaro Mallea. Gai-jartzailea: Igor Menika Bengoetxea.

LEKEITIO

Azaroaren 1ean, eguaztena,
17:00etan, Ikusgarri Zinemaren

Aitor Arrutia Azkueta, Beñat Bilbao Landa, Eneko Abasolo Txabarri, Koldo Gezuraga Sejjido, Maite Sarasola Isazelaia eta Peru Irastortza Santxo. Gai-jartzailea: Beñat Vidal Gurrutxaga.

BIZKAIKO
BERTSOLARI
TXAPELKETA
2023

Antzokizalea



Babeslea

Bizkaia

2023

bbk

Logintzalea

ARGIA